

皇明經世文編

皇明經世文編卷之二

陳子龍臥子 宋徵璧尚木

華亭

徐孚遠闇公 周立勲勤貞

編輯

顧開雍偉南參閱

宋學士文集

議

宋 濂

治河議

治河

木集云北條作蓋元時最留意治河也
比歲河決不治上深憂之既遣平章政事鬼名御史

中丞李某禮部尚書泰不花沈兩珪有邸及白馬以

皇明經世編

宋學士集

治河

平露堂

祀又置行都水監專治河事而績用未之著乃下丞相會廷臣議其言人人殊濂則以為河源起自西北

去中國為甚遠其勢湍悍難制非多為之委以殺其

歷代考河源至元時始知其

流未可以力勝也何也河源自吐蕃朶甘思西鄙方

處

七八十里有泉百餘泓若天之列宿然曰大敦腦兒

譯云星宿海也自海之西又匯為阿刺腦兒二澤又

東流為赤賓河而赤里出之水由西合忽闕之水從

南會也里木之水復至自東南於是其流漸大曰脫

可尼譯云黃河也河水東行又岐為九派曰孫幹

譯云九度也。水尚清淺可渡。又東約行五百里。始
寢渾濁。而其流益大。朶甘思東北鄙有大山。四時皆
積雪。曰亦耳麻不莫刺。又曰騰乞里塔。譯曰昆侖也。
自九渡東行可三千里。乃至昆侖之南。又東流過濶
卽濶提二地。哈刺別里赤與納隣哈刺河合。又合
乞兒馬出二水。乃折流轉西至昆侖北。旣復折而東
北流至貴德州。其地名必赤里。自昆侖至此不啻三
千里之遠。又約行三百里至積石。從積石上距星宿
海蓋六千七百有餘里矣。其來也旣遠。其注也必怒。

○叙○道○里○明○晰○

故神禹導河。自積石歷龍門。南到華陰。東下底柱。及孟津洛汭。至于大伾。大伾而下。醜爲二渠。載之高地。泲水至于大陸。播爲九河。趨竭石入于渤海。然自禹之後。無水患者七百七十餘年。此無他河之流。分。而。其。勢。自。平。也。周定王時。河徙砠礫。始改其故道。九河之迹。漸致湮塞。至漢文時。決酸棗。東潰金隄。孝武時。決瓠子。東南注鉅野。通于淮泗。沈郡十六。害及梁楚。此無他河之流。不。分。而。其。勢。益。橫。也。逮乎宣房之築道。河北行二渠。復禹舊迹。其後又疏爲屯氏諸

河。河且入于千乘間。德棣之河復播爲八。而入十年
又無水患矣。及成帝時屯氏河塞。又決于館陶。及東
郡金隄泛濫。兗豫入平原。千乘濟南。凡灌四郡三十
二縣。由是而觀。則河之分不分。其利害昭然。又可觀
已。自漢至唐。平決不常。難以悉議。至于宋時。河又南
決。南渡之後。遂由彭城合汴泗東南以入淮。而向之
故道又失矣。夫以數千里湍悍難制之河。而欲使一
淮以疏其怒勢。萬萬無此理也。方今河破金隄。輪曹
鄆地幾千里。悉爲巨浸。民生墊溺。比古爲尤甚。莫若

浚入舊淮河。使其水南流。復於故道。然後導入新濟河。分其半水。使之北流。以殺其力。則河之患可平矣。譬猶百人爲一隊。則其力全。莫敢與爭鋒。若以百分而爲十。則頓損。又以十各分爲一。則全屈矣。治河之要。孰踰于此。然而開闢之初。洪水泛濫於天下。禹出而治之。水始由地中行耳。蓋財成天地之化。必資人功。而後就。或者不知。遂以河決歸于天事。未易以人力強塞。此迂儒之曲說。最能僨事者也。濂竊憤之。因備著河源。以見河勢之深且遠。不分其流。決不可治。

者如此。倘有以聞于上。則河之患庶幾其有瘳乎。雖然此非濂一人之言也。天下之公言也。

記

觀心亭記

觀心亭

越千五百年

昊天純祐。九有民全。以所覆。異我。大明皇帝。執符

御曆。撥亂世而反之正。化行仁流。臻于泰寧。然猶夜

攷夙夜。敬厥德。奉若天道。赫如上帝。鑒臨。乃洪武十

年冬十月丙午朔。復勅工曹造觀心之亭于宮城上。

設甃爲墉。塗以赭泥。中寘輔坐。前闢彤戶。越七日壬

子落城。上親幸焉。召臣濂語之曰。人心虛靈。乘氣
機出入。操而存之。爲難。朕罔敢自暇自逸。譬魚之在
井。雖未免乎跳躑。終不能度越範圍。况有事于天地
廟社。尤用祗惕。致齋之日。必端居亭中。返視却聽。上
契冲漠。體道凝神。誠一弗二。庶幾將事之際。對越在
天。洋洋乎臨其上。卿爲朕記之。傳示來裔。咸知朕志。
俾弗懈愈。虔。臣拜手稽首而颺言曰。書有之。惟天無
親。克敬爲親。民罔常懷。懷于有仁。鬼神無常享。享于
克誠。曰誠曰敬曰仁。皆中心所具。非由外鑠我也。此

心若存。則動靜合道。建中保極之源。清而弗擾。庶績咸熙。否則天飛淵淪。凜乎若朽索之馭六馬。唯欲之從而罔克。攸濟。治忽之幾。其始甚微。不可不慎也。欽

惟皇帝陛下。法天啟運。乾乾終日。不遑暇食。十有

○集○前○孟○

○

○故○大○

五年。大統斯集。政平人和。休祥屢應。斯皆觀心之明驗。古先哲王。相傳心法。所謂精一執中之訓。亦不過此。聖子神孫。必來取法。當有不言而喻者矣。雖然。靡不有初。鮮克有終。臣願陛下存神內居。常如亭中時。則心與天爲一。祥刑敷政。壹出自天。衍億萬年無

疆之休亦永無疆之聞不亦顯哉臣不佞既承詔旨輒稽古書而爲之記別有觀神亭與斯亭東西對峙其制同其義亦無異云。

閱江樓記

閱江樓

○物○使○索○正○

金陵爲帝王之州自六朝迄于南唐類皆偏據一方無以應山川之王氣逮我皇帝定鼎于茲始足以當之由是聲教所暨罔間朔南存神穆清與天同體雖一豫一遊亦可爲天下後世法京城之西北有獅子山自盧龍蜿蜒而來長江如虹貫蟠遶其下上

以其地雄勝。詔建樓于巔。與民同遊觀之樂。遂錫嘉
名爲閱江云。登覽之頃。萬象森列。千載之秘。一旦軒
露。豈非天造地設以俟大一統之君而開千萬世之
偉觀者歟。當風日清美。法駕幸臨。升其崇椒。凭闌遙
矚。必攸然而動遐思。見江漢之朝宗。諸侯之述職。城
此反規。林猶海。宗林。而氣味自壯不墜。哀感。
池之高深。關阨之嚴固。必曰此朕櫛風沐雨。戰勝攻
取之所致也。中夏之廣。益思有以保之。見波濤之浩
蕩。風帆之下上。番舶接跡而來。廷蠻琛聯肩而入。貢
必曰此朕德綏威服。覃及內外之所及也。四夷之遠。

益思有以柔之。見兩岸之間。四郊之上。耕人有多膚
駟足之煩。農女有撝桑行饁之勤。必曰。此朕拔諸水
火而登于衽席者也。萬方之民。益思有以安之。觸類
而推。不一而足。臣知斯樓之建。皇上所以發舒精神。
因物感興。無不寓其致治之思。奚止閱夫長江而已
哉。彼臨春結綺。非不華矣。齊雲落星。非不高矣。不過
樂管絃之淫響。藏燕趙之豔姬。一旋踵間。而感慨係
之。臣不知其爲何說也。雖然。長江發源岷山。委蛇七
千餘里。而始入海。白涌碧翻。六朝之時。往往倚之爲

天塹今則南北一家視爲安流無所事乎戰爭矣然則果誰之力歟逢掖之士有登斯樓而閱斯江者當思聖德如天蕩蕩難名與神禹疏鑿之功同一罔極忠君報上之心其有不油然而興耶臣不敏奉旨撰記故上推宵旰盱眙治之切者勒諸貞珉他若留連光景之辭皆畧而不陳懼褻也

渤泥入貢記

入貢

濂承 旨禁林日福建行省都事沈秩來謁曰洪武三年秋八月秩與監察御史張敬之等奉 詔往諭

渤泥國冬十月由泉南入海四年春三月乙酉朔達
闍婆又踰月始至其國國王馬合謨沙僻處海中倨
傲無人臣禮秩令譯人通言曰 皇帝撫有四海日
月所照霜露所隊無不奉表稱臣渤泥以彈丸之地
乃欲抗 天威邪王大悟舉手加額曰 皇帝爲天
下主卽吾之君父安敢云抗秩卽折之曰王旣知君
父之尊爲臣子者柰何不敬亟撤王座而更設鄉几
寘 詔書其上命王帥官屬列拜于庭秩奉 詔立
宣之王俯伏以聽成禮而退明日王辭曰近者蘇祿

起兵來侵子女玉帛盡爲所掠必俟三年後國事稍
紓造舟入貢爾秩曰 皇帝登大寶已有年矣四夷
之國東則日本高麗南則交趾占城闍婆西則吐蕃
北則蒙古諸部落使者接踵于道王卽行已晚何謂
三年王曰地瘠民貧愧無奇珍以獻故將遲遲爾非
有他也秩曰 皇帝富有四海豈有所求於王但欲
王之稱藩一示無外爾王曰容與相臣圖之又明日
其相王宗恕來曰使者之言良是請以五月五日成
行闍婆有人問王曰蘇祿來攻王帥師却之今聞歸

使人善爲辭

誠中國無我闍婆矣。王惑之。秩復走見王。王辭以疾。秩大言謂宗恕曰。爾謂闍婆非中國臣邪。闍婆尚稱臣於爾國乎。何有。使者朝還。天兵旦夕至。雖欲噬臍。悔可及乎。宗恕悚然曰。敬聞命矣。乃入白王。王大會其屬共議。遣亦思麻逸等四人入朝。臨發。王以金佩刀吉貝布爲贈。秩毅然辭之。王顧近侍曰。中國使者廉潔。乃如是邪。闍婆來人。謀索每無厭。况強之而不受邪。爾曹宜效之。秩以涉海萬里。不可以無紀。乃與敬之各賦一詩。王大悅。書于板中。懸之。既與王別。舟

此亦不無自譽之辭

行至海口。王又惑左右言，令人與亦思麻逸曰：「使者不受刀布，爾等必不還矣。」秩恐，王不喻，復走王所，反數譬曉之。王曰：「使者之言如此，予中心釋然矣。」王舉酒爲別，酌地祝曰：「願使者早還中國，願亦思麻逸蚤歸敝邦。」秋八月十五日還京師，十六日以亦思麻逸等入。見錫宴於會同館，已而遣歸，寵賚其王甚厚。云其所貢物：鶴頂生玳瑁，大片龍腦，米龍腦，黃蠟，降真諸香，其表用金刻番書，彷彿如同鶻書，其文鄙陋不足觀。皇太子牋用銀牋，文與表相類。其地炎熱。

記此存故事

多風雨。無城郭。樹木柵爲固。王之所居若樓。覆以貝。多葉王縮髻裸跣。腰纏花布。無輿馬。出入徒行。城中人不滿三千家。多業漁。剪髮齊額。婦人衣短衫。僅蔽胷背。腰繫花布。散髮跣足。其物產只吉貝黃蠟。降真。龜筒玳瑁。檳榔。煮海爲鹽。瀝柳漿爲酒。無稻麥。捕生魚蝦蟹食之。兼食沙糊。沙糊者取樹實爲漿。澄漉膩如粉。食之能不饑。食無器皿。以竹編貝多葉爲之。食畢則棄之。番書無筆札。以刀刻貝多葉行之。事佛甚嚴。以五月十三日爲節。國人亦於是日作佛事。若有

燕饗則封羊豕鷄鵝鳴鼓擊鈸以爲樂此其大凡也

先生職在太史願爲詳記之以昭聖化所被之盛

濼聞渤泥在西南大海中。所統一十四州去閩婆四

十五日程。去占城與摩逸各三十日程。去三佛齊四

十日程。歷代未嘗朝貢。故史籍不載。至宋太平興國

二年。其王向打始因商人蒲盧歇遣使弩使副蒲亞

利判官哥心等齎表來貢。元豐五年二月其王錫理

麻喏復遣使如前日後輒不聞元有國百餘年亦不

復至方今聖人在上威德之所被無遠不屆

書一頒，輒稽首臣順。稽之往古，允謂過之。至若秩等奉宣德音，辭令所加，足以警服其心，亦可謂不辱君命者矣。其事宜書以俟。他時修國史者，采焉。秩字仲庸，湖之烏程人。敬之字某，某州人。二人協心謀慮，無役不諧，故卒能成功云。

銘

五輪沙漏銘

沙漏

文甚古 贊曰 簡意明

沙漏之制，貯細沙於池，而注於斗。凡運五輪焉。其初輪軸長二尺，有三寸圍，寸有五分。衡奠之，軸端有輪。

輪圍尺有二寸八分。上環十六斗。斗廣八分。深如之。
軸長尺。圍如初。從奠之。輪之圍尺有五寸。輪齒三十
六。軸杪亦傅六齒。鈎三輪旋之。三輪之圍軸若齒。與
二輪同。其如初軸。杪亦傅六齒。鈎四輪旋之。四輪如
三輪。唯奠與二輪同。輪杪亦傅六齒。鈎中輪旋之。中
輪如四輪。餘輪側旋。中輪獨平。旋軸崇尺有六寸。其
杪不設齒。挺然上出。貫於測景盤。盤列十二時。分刻
盈百。斲木爲日形。承以雲。麗於軸中。五輪犬牙相入。
次第運益遲。中輪日行盤一周。雲脚至處。則知爲何。

○至○此○神○氣○舒○爽○

時何刻也。餘輪各有楹附度。中輪則否。輪與沙池皆藏几腹。盤露几面。劬刻黃衣童子二。一擊鼓。一鳴鉦。亦運沙使之。沙之進退。則日一視焉。此其大畧也。初灤陽水善冰。雖甕鼎沃湯。不能爲漏。新安詹君希元。乃抽其精思。以沙代之。漏成人以爲古未嘗聞。較之郭守敬七寶燈漏。鍾鼓應時而自鳴者。殆將無媿乎。浦陽鄭君永與希元游京師。因知其詳。歸而製之。請余銘。銘曰。挈壺建漏。測以水。用沙易之。自詹始。水澤腹堅。沙弗止。一日一周。與天似。鄭君繼之。制益美。

請惜分陰視斯晷。

題跋

恭題御賜書後

御書

昔在乙巳之春，臣濂待罪右史，三月十五日，臥病京

上儀禮侍從之臣如此

師之官舍，不入侍者六日。上顧近臣，黼曰：老宋起

居，何久不見取，黼以病對，且言其致疾之詳。上憂形

于色，曰：宋起居純飭之士，不參以分毫人爲，侍予五

年，猶一日也。不知何以而有斯疾乎？越一日，又問曰：

病勢稍損否？黼對如初。越二日，又問，黼復對如初。

上惻然曰爾往傳命俾歸養金華山中父子祖孫雖然同處疾必易愈愈且造朝國家文翰庶有賴哉二十四日黼至導宣 上旨臣力疾起拜命越翼日陛

辭。上勅黃門內使出大府金藉以束帛賜之。自後

故事考

候問之使相屬于道。時方嚴肩輿之禁。自相國以下至百執事皆爲之請。特令中書造安車。給健丁六人以載。此尤異數也。二十八日 皇太子以舊學之故。復遣內臣存問。賚以繒幣白金之屬。恩意有加焉。三十日。上道。夏四月十七日方抵金華故居。十八日具

謝表一通進。上并致書。太子以寓箴規之意。

上覽之再三喜甚。謂太子曰。此書汝當日誦一過。復親御翰。賜書褒答。其文則上所自製。字乃侍臣代書。其外封九字。內年月六字。及花書則上之親筆也。復出官局文綺白繒各一命。太子署名緘封。遣使者卽臣家以賜焉。時六月七日也。惟上深仁如天。厚澤如地。凡囿于兩間者。莫不沐浴神化。鼓舞至德。以臣之微。亦獲霑被寵榮。如此之至。竊伏自念。臣本一介書生。應聘而起。卽典儒臺。未幾詔入禁中。授

太子經。由是峻登記言之職。賜服金紫。先後所承恩數不一而足。今以微疴之故。又勤宸念。眷注優異。錫予便蕃。此固上天雨露之滋。一草一木。無不使遂其生成之性。而臣區區犬馬之誠。所以思報效之者。何日而敢忘哉。天保之詩曰。天保定爾。亦孔之固。俾爾單厚。何福不除。臣敢誦此詩以答。上賜復追疏。遭逢之盛。於賜書後。示諸子孫。俾世世毋忘。上恩云。

恭題御製方竹記後

御製方竹記

皇帝視朝之暇。燕處武樓中。每記一二臣隣。諮詢治

道時吏部尚書臣詹同在。帝左右。歷談古帝王事。芻稽物理而偶及於竹。帝曰竹之類其亦多乎。臣同對曰其類實繁。晉戴凱之所譜至五十餘種。或根如蟠輪。或節若束針。或細則勝箭。或鉅可爲舟。有未能歷舉者。大槩其色皆青。其體皆圓也。唯吳越山中有名方竹者。最爲侷異。四稜直上。弗偏弗頗。若有廉隅不可犯之色。以故士大夫愛之。徃徃采而爲筇。

帝曰信有諸乎。臣同復對曰老臣焉敢謬言。旣退。獲一枝以獻。帝摩挲觀之。悅曰臣同其亦信人哉。於

是親御翰墨草方竹記一通始言品物之夥中序格致之難及其末也謂臣同爲人俊偉氣象稽之傳記智過百人曰豪千人曰俊天語之褒嘉斯亦至矣已而詔臣同於端門俾給事中繕書以賜臣同不勝忭躍將趨拜墀下帝笑曰卿頭童齒豁矣何以謝爲臣同捧歸裝演飾以龍文玉軸持示太子贊善臣宋濂臣濂竊自念草莽微臣侍帝前十又五年當是○此○文○不○知○聖○祖○故○年○帝爲文性或不喜書詔臣濂坐榻下操觚受辭終食之頃入經出史袞袞千餘言仰見天光昭回赫著

簡素皆日精月華之所凝結。數之爲卿雲，散之爲彩霞，曾不見神化著見之迹。其誠所謂天之文哉。臣濂聞之，三代而下，混一寰宇者，若漢唐之高祖，宋之太祖，皆產乎北。其勛烈信偉矣，而未見以文辭稱。今我皇帝生自南服，天戈一揮，九州內外，罔不臣妾。自天開地闢以來，世之所未有，況乎神藻煥發，陰麗陽明，下被萬物，無不仰照，此無他。皇天欲以文明化成天下，故挺生聖人，度越前代若斯之盛也。然聖製雖多，未嘗輕以與人。臣同以文學侍從之臣，簡在

帝心者久，故特被是賜焉。夫臣以誠而事上，君以恩而逮下。唐虞盛治，一旦復見，三千餘年之後，何其懿哉！臣同宜勒諸金石，與典謨訓誥之文並藏。子孫之多，永永傳之，無極。臣同受賜，以洪武癸丑歲五月之戊辰，越二十七日，實六月乙未，臣濂謹熏沐而題其後云。臣濂拜手謹記。

恭跋 御製詩後

御製詩

氣壯雅

臣聞自古人君有盛德大業者，其積慮深長而詒謀悠久，必日與文學法從之。臣論道而經邦，當情意洽

乎之時。或相與賡歌。或褒以詩章。或燕之內殿。君臣
之間。實同魚水。非直以爲觀美。所以禮賢俊。示寵恩。
而昭四方也。有如唐之文皇。宋之太宗。其事書之簡
編者。可以見之矣。皇明紀號洪武之八年。秋八月
甲午。皇上覽川流之不息。水容澄爽。油然而感于
宸衷。陋尹程秋水賦。言不契道。乃親更爲之賦。成
召禁林群臣觀之。且曰。卿等亦各撰賦以進。臣率
同列。研精覃思。鋪叙成章。詣東皇閣。次第投獻。
上皆親覽焉。復置品評於其間。已而賜坐。勅太官

進天厨奇珍。内臣行觴。觴已。上顧臣曰。卿何不盡飲。臣出跪奏曰。臣荷 陛下聖慈。賜臣以醇酎。敢不如

詔。第臣年衰邁。恐不勝栝酌。志不攝氣。或愆于禮。度無以上承 寵光爾。上曰。卿姑試之。臣卽席而

飲。將徹。上復顧臣曰。卿更宜酬一觴。臣再起固辭。

上曰。一觴豈解醉人乎。卒飲之。臣舉觴至口端。又

復瑟縮者三。上笑曰。男子何不慷慨爲。臣對曰。天

威咫尺間。不敢重有所瀆。勉强一吸至盡。上大悅。

臣顏面變頰。頓覺精神遐漂。若行浮雲中。上復笑。

曰卿宜述一詩朕亦爲卿賦醉歌二奉御捧黃綾案
進。上揮翰如飛須臾成楚辭一章臣旣醉下筆傾
歎字不成行列甫綴五韻。上遽召臣至命編修官
臣右重書以遺臣遂諭臣曰卿藏之以示子孫非惟
見朕寵愛卿亦可見一時君臣道合共樂太平之盛
也臣行五拜禮叩首以謝。上更勅給事中臣善等
賦醉學士歌云臣旣退竊自念曰臣本越西布衣粗
藉父師明訓弗墜箕裘之業而已一旦遭際 聖明
遣使聘起之踐歷清華地躋禁近無一朝不覲日月

之光即○可○作○年○諸○如此者。凡十又七年。叨冒恩榮。夔絕前比。所幸犬馬之力未衰。誓將竭奔走之勞。以圖報稱。今天寵屢加。雲翰之章。照燭下土。臣竊自靖度。何足以堪之。雖然。傳有之。泰山不讓土壤。故能成其大河海。不擇細流。故能就其深。王者不却衆庶。故能明其德。洪惟皇上尊賢下士。講求黃虞治道。度越于唐宋。遠甚。雖以臣之至愚。亦昭被非常之殊渥。六合之廣。其有抱藝懷才者。孰不思踴躍奮厲。以揚於王庭哉。臣按南有嘉魚之詩。曰。君子有酒。嘉賓式燕。以樂序。

者謂太平之君子。至誠樂與賢者共之也。皇上恩
寵之便蕃，抑過之矣。又按天保之詩有曰：罄無不宜，
受天百祿。降爾遐福，惟日不足。序者謂臣能歸美以
報其上，臣雖無所猷爲，願持此頌禱於無窮哉。古者
侈君之命，勒諸鼎彝，藏諸宗廟，嗣世相傳，以至於永
久。臣敢竊援斯義，礪玉爲軸，裝褉成卷，什襲珍藏，以
顯示來裔。給事中臣善等應制諸詩附錄其後，而賢
士大夫聞風慕豔而有作者，又別見左方云。是歲九
月戊午朔，具官臣金華宋濂謹記。

皇明經世文編卷之三

徐孚遠閣公 陳子龍臥子

華亭

宋徵璧尚木 夏允彝環公

輯

彭 賓燕又叅閱

劉誠意文集

頌

劉基

祀方丘頌 并序 方丘

維洪武三年五月二十日戊申日北至。皇帝將祀地示于方丘。乃先期九日。潔齋于舊宮。詔百僚集射。

皇明經世編

劉誠意集 方丘

一 平露堂

西苑命之曰。古人有言。惟德動天。惟誠感神。故射以
觀德。誠於中者。必形於外。不可掩也。惟爾庶官。各一
乃心。以致其誠。毋替朕命。羣臣自左丞相宣國公以
下。至於有司。百執事。皆拜手稽首曰。敢不敬承。天
子之明命。維大江之南土。每夏四五月。多霖雨。少霽
是歲。雨作連日。至十有七日乙巳。皇帝御法駕。率
百僚告于太廟。遂居于齋宮。雨勢未已。至丁未日
夜三鼓。有風徐來。淋漓頓收。微月出雲。氛霧廓清。
皇帝被袞冕。登壇。萬籟無聲。華燭有輝。雅樂瀏亮。燎

禮不搖百禮既洽。千官肅雍。泮泮乎神明臨之在上。
誠意懇至。升降秩秩。濟濟翼翼。穆穆如也。比明竣事。
熏風應節。和氣交暢。小大咸喜。知誠德之感格。若合
符契。大命所集。皇天后土。信不忒也。於是弘文館
學士臣基謹獻頌曰。濬哲惟帝。父天母地。維孝維
誠。斯承其意。孝誠既備。物以將之。神鑒在德。匪惟其
儀。聖不世出。禮失莫求。弗澄其源。曷清其流。末流之
極。禮儀并廢。豈無牛羊。而不以祭。穹祇赫怒。監觀萬
方。式昭大命。命我聖皇。維我聖皇。克孝克誠。提

三尺劔。由一旅。與奮于長淮。長淮具宗。濟于大江。大江攸同。漢沔既朝。閩浙率從。施及廣海。化外之邦。望風占雲。獻其琛寶。稽首龍墀。蹈舞從容。乃命虎臣。越濟踰河。雲旆霓旌。鐵馬金戈。踐踏秦岱。憑陵華嵩。鋤秦鏃燕。掃豸滌戎。莫亢我前。莫膺我鋒。斬逆懷降。允協天衷。自西自東。自南自北。罔不懌懌。戴天子德。

天子之德。格于上下。既禋于郊。又敬于社。人懷其仁。神錫之嘏。圓方所包。無不服者。超黃邁唐。越商踰夏。小臣作詩。以繼大雅。

平西蜀頌 并序 平蜀

臣聞天命真主，混一六合，必先有以爲之驅除，然後收拾以歸其籠。自古及今，同一揆矣。是故冬寒之極，必有陽春，激湍之下，必有深潭，大亂之後，必有大治，理則然也。元德旣衰，九土糜沸，鴟張狼顧之豪，彌滿山澤，萬姓魚喁，無所籲告。天乃命我 皇帝，肅將武威，代伐不道，故一伐而定荆湖，再伐而舉全吳，三伐而海甸廓清，四伐而東粵南閩悉歸版圖。於是肆伐中原，拾宋掇秦，掣趙拔燕，十○中○原○兵○勢○其○實○如○此兵鋒未至，聲聞先及，神讐

鬼慄匍匐俯伏。玄菟、青海、崑崙、大漠、交趾、鑠耳之國。

罔不獻琛奉表，稽首闕下。無敢後者。獨明昇竊據巴

蜀，雖遣使奉貢，而不去偽號。大臣皆請討之。叙出 皇帝

憐其父沒子幼，數遣使招之不至，乃命將帥伐之。洪

師得大德。

叙下蜀亦備服。

武四年，大軍破瞿塘，殺其將某。郡邑鎮戍望風送款。

總結。

昇乃率其官屬奉璽印詣軍門請降。蓋自建國至是

凡五年而天下一統，何其易耶！固知天命有在，而羣

雄並起為之驅除也。臣基受恩深厚，無能補報。遙聞

捷音，歡喜踴躍，不能自已。謹撰平西蜀頌一首，雖不

足以贊揚聖德萬一亦聊以寓葵藿向日之忱云爾
其辭曰惟彼蜀國開自蠶叢山川隔閼與華不通金
牛啓道厥竅斯鑿岷峨峩峩始連井絡秦以之霸漢
以之王諸葛用之震驚北方劔閣倚天瞿唐折地仰
不可攀俯不可視蠢茲羗戎憑其險阻罔知天命大
邦是距洸洸虎臣受命于征出師桓桓如雷如霆如
雷如霆天子之威廟算先定鬼神莫違靈旗揮揮指
山山摧羗人失魂慙若死灰爰將其臣奉其版籍泥
首軍門面縛銜璧六軍奉凱聲動玄黃驚童白叟蹈

舞康莊四海會同豐年穰穰。慶雲甘露自天降。祥臣
拜稽首受天之佑。受天之佑。天子萬壽。

甘露頌并序 甘露

起手莊雅不使纏展

欽惟 皇帝順天應人。奄有九土。武功既成。文治大

洽。恪恭天地。孝敬 祖宗。山川鬼神。莫不祇肅。是以

億兆歸心。遐邇嚮化。羗夷蠻貊。無有弗庭。 皇帝愈

加謙慎。深惟上天付畀之重。夙夜兢業。思與羣臣庶

民咸躋雍熙。以承天眷。教誨戒飭。諄諄切切。日不厭

勤。於是乎天不愛道。地不愛寶。醇和至精。悉發悉達。

禾麥呈瑞年穀屢登倉廩之積如岡如坻。民用紓矣。邦本固矣。乃洪武四年十月甘露降于鍾山沾潤草木瑩若凝脂美若醍醐。五年十有一月又降。今年仍降如初。臣聞瑞應圖曰王者德至于天則甘露降。鍾山京國之鎮。帝業所基。而甘露每降于茲。則天之所以彰我皇帝之德而引國祚於悠久之意。豈不顯顯矣乎。昔者軒轅黃帝得瑪瑙之甕。甘露降之滿盈。黃帝食之而壽。今甘露連年屢降。則天之所以壽我皇帝於千萬歲之意。又豈不昭昭矣乎。於是羣臣莫

不欣懌。百姓莫不蹈舞。手相慶。而在廷之臣。或爲詩。歌。或爲賦。頌。以詠盛事。於是臣基謹再拜稽首而獻頌曰。古帝軒轅。德協于天。天降甘露。俾服延年。明明我皇。統坤握乾。芟翦豪猾。樹德佑賢。命將出師。廓清四邊。滄溟帖濤。嶺嶠收煙。宏功茂烈。烜赫八埏。郊社宗廟。享祀豐蠲。日月星辰。嶽鎮海川。敬罔不至。誠罔不宣。寅畏天命。翼翼虔虔。匡直臣庶。疊疊惓惓。惟恐弗及。惟恐或愆。皇天后土。睠顧式堅。瑰祥信禎。來集連連。膏露流滋。如瑤如璿。味奪醴齊。光粲珠蟻。高

映斗極。深澗重淵。被之竹栢。竹栢鮮鮮。被之鳴鶴。鳴鶴
鵠娟娟。璧月宵炯。銀河曉旋。天乳耀芒。燁于穹圓。霏
霏其霧。泥泥其泉。旨旨其飴。馥馥其荃。瑞我聖皇。
神恬氣全。萬姓率德。七曜順躔。皇壽如山。如黃如
玄。超三軼五。煥後輝前。小臣作頌。願附史編。

序

送宋仲珩還金華序

贈遠

○起○語○有○深○意

易不云乎。有子考無咎。庚子之歲。予與金華宋先生
俱來京師。時上渡江未久。浙東方歸附。先生與子

國初事

明略者多載此

卷之一

公相傳之定

及子同鄉葉景淵。章三益同居孔子廟學。惟日相與談笑。雖俱不念家。而予三人者。亦皆不能無芥于心。惟先生泰然耳。日與文彥士相從游。不倦。人咸異焉。時先生有子二人。長曰瓚。字仲圭。次曰璿。字仲珩。皆克家。蓋夙以家事付二子久矣。故先生得以優游投道于浦江鄭氏之義門。至今又十有五年矣。去年秋七月。予自家重赴京。先生時為翰林侍讀學士。執手相盼。喜溢眉目。先生長予一歲。予須髮已白。過太半。齒落什三四。左手頑不掉。耳聾足蹠。踣不能趨。而

先生鬢須黝黑唇齒朱貝顏渥丹步履坦坦不落朝
班後晨起戴星入國史館握筆寫細字如青蠅頭日
數千且僕僕走承召命暮歸作詩文四五少不下二

三先生素儒家無羸僮僕在京寓舊城去公館彌十

遠而○來○本○如○此

有十五里惟次子璵偕一騶者從夫人又病在寓璵

來往省視父母且奉母粥藥不遑朝夕今年春長子

璜遣二孫自金華來夫人病亦愈於是先生以事命

璵暫還故里而在朝羣公大夫士咸賦詩餞璵望其

卽還則璵之能善事其父執善交其朋友者可見嗚

然の先の生の末の年の意の以の子の素の練の遊の起 東二一語 漢典

呼若先生可謂有子無咎者矣宜其老而愈康且樂也。璉又工楷篆隸草書賦詩屬文皆足以續承家業故於其行序以送之且繼以詩

送黃叔賜歸金華觀省序

歸省

孟子言君子有三樂以父母俱存兄弟無故為樂之大豈不以是為係乎天人人之所願欲而不可得者哉夫孝子之欲顯父母心無窮也顯父母之道無過乎立身揚名而鮮有能及其父母之目見是故君子之急於仕者良有由也且父母之鞠子亦孰不望其

能立功立事，超乎羣倫之上，以光大其祖宗之門戶也哉。故於其初生也，桑弧蓬矢以射四方，不响响乎爲老婦之慈，以嬌之於膝下也。天下之爲父母者，亦孰無是心哉。而當其生存之時，獲見其顯者，蓋十百之中，不能二三，信乎其係乎天，而不由乎人也。爲人子而知愛其父母，則其中心爲何如哉。是故孳孳汲汲，不遑自己，仰馳光而興慕，俯逝水而長懷。當此之時，將奚爲而可哉。金華黃生，以明經舉于鄉，就試浙江行省，貢于春官，時年二十有二，是歲上閱天下

此國初特典非常之故存之

貢士率多年少。慮其未熟於世故。例廩之國學。使習
聞朝廷律令。練達治政。然後授之職。俾勿壞以殖天
下之良材。於是生亦與焉。其明年翰林學士宋公濂
奉命纂修實錄。生以工書服勞史館。又善於所事。事
竣受命伴讀齊府。其年冬十有一月。給假還金華。觀
省父母。基與生俱浙東人。故翰林羣大夫士賦詩送
其行。而屬其序於基。夫生曷啻於父母俱存。兄弟無
故而已哉。且又有祖母在學。日進以充其身。又際盛
代。事聖王。受命侍從哲王。出入禁闈。此人人之所瞻

望而不敢覬者。生於是乎兼之。其爲樂不亦大哉。基
既爲之序。而繼以詩。且有深望于生。惟冀其服膺乎
不愧不怍之訓。以接跡於古昔聖賢而後已也。嗚呼
生其勉乎哉。

跋

書蘇伯修御史斷獄記後

斷獄

往歲朝廷慮天下

劉公性剛直。剛直。初長。御史臺。見此文亦可見。

斷獄之未審。用中書御史臺議遣

官審覆論報。僕時居山間。聞人言之。山嶽震疊。如雷
雨之將至。陰風鳴條。飛電爍目。豪民猾吏。竄伏如鼠。

皇明經世編

劉誠意集

斷獄

九

平露堂

俱自期不能免而銜冤抱痛之民莫不伸眉引項若稿葉之待滋潤及其至則風止雨霽望者如敗軍之

歸而畏者如鷹隼之脫條而得扶搖也則怪而問于

老成更事之人咸曰斷大獄必視成案苟無其隙不

苟世視成案何名平反然成案海

得而更焉因退白太息曰苟如是烏用是審覆者為

哉於是大信刀筆之真能生死人矣既又聞諸人曰

非朝廷意也奉命者之不恪耳及觀國子博士黃先

生所叙御史蘇公慮囚湖北所平反事曷嘗拘於成

案哉然後知賢人所為固與衆人異矣夫以一湖北

之地。公一巡歷。而所平反者八事。所擿豪右之持吏而尼法者又數事。豈他道之無冤民耶。無蘇公而已矣。僕往嘗觀于牧民之以簡訟名者。之其庭草生於階。視其几塵積于牘。徐而訪于其鄉。察其田里之間。則疆梁橫行。怨聲盈路。問其故曰。官不受詞。無所訴受之而已矣。大吏至則曰。官能不生事。民譁非官罪也。則皆扶出之。訴者悉含詬去。則轉以相告。無復來者。由是卒護簡訟之名。嗚呼。輿圖廣矣。不皆得蘇公彼上報于朝廷者。又將獲簡事之賞矣。然後怨憤之

氣拘而爲鬪殺。激而爲盜賊。鬱而爲災沴。上應乎天。誰之咎哉。嗚呼。使人人如蘇公。刑期于無刑。不難矣。明天子在上。庶其見之。則求諸老成。以爲典刑。舍是編其奚適哉。

皇明經世文編卷之終

皇明經世文編卷之四

華亭

陳子龍卧子 徐孚遠闇公

編輯

朱徵璧尚木 彭 賓燕又

攜李王 言遠庭叅閱

王忠文公集

序

王 禕

送胡仲淵叅謀序

參謀

至正十五年二月有詔命江浙行省參知政事恩寧
晉公鎮禦饒城公幕下有文武士曰胡君仲淵實預

在行君之學本於仁義禮樂而於天文兵法術數技藝靡不精通蓋有用之材而其志慨然欲以功名自

見者也先是溫之戍卒殺其守帥據城以畔時公以

元制行省大吏皆得辟募下士用其計策如劉

浙東元帥往討之訪得君龍泉山中而問策焉君以

破意亦常為浙江。寨。客。討。方。氏。是。也。

謂溫城險而賊守固可以計取不可以力攻公一用

其謀畫賊果就擒故溫城之平公之功君之策也及

是公有饒城之命復倚君叅謀軍事而饒處江湖之

會最為江浙屏蔽自數年來鞠為盜區斯民生業蕩

析殆盡今遺孽尚在軍旅仍戒嚴殺戮撫綏之際誠

主帥所宜慎。以公之明決。而君以沉機。遠略濟之。吾
知寇不足平。民不足安矣。是以君子既多。公能求士
爲國。且益望君必將爲知己。盡相與以有成也。君嘗
爲禱言。今天下之弊極矣。南北用武。未有休息。而將
帥之權不相統一。朝廷之賞罰不能明信。此殆不容
言矣。至于軍卒之單寡。而無所於調發。錢糧虛匱。而
無所於徵需。變而通之。則其有術。夫軍旅錢糧。皆民
出也。而今日之民。其困已甚。誠使常徭橫斂。悉不復
以病民。止令民有田者。苗米十石。出一人爲兵。而就

食之以一郡計之米二十萬石當得精壯二萬人軍
能。用。此。策。以。今。江。南。一。小。郡。亦。足。養。二。万。兵。矣。
 無遠戍之勞官無養軍之費而二十萬之糧固在也

又減而計之當亦不下糧十五萬兵一萬五千行之

數年可使所在兵強而財富矣其操識持論異于尋

常大抵此類而固亦未遂於施用也嗚呼自我世祖

皇帝平定天下建不拔之基以開長治久安之道規

模宏遠矣其制度紀綱之法後世所空憑藉夫何僅

及百年而天下遽已日入於敝若或不可支持甚而

理財制兵之術既窮皆坐視而不卹是豈事變終不
末流之弊千古一轍然亦何

可爲乎抑亦任當世之責者未之思焉耳宋儒有言
管仲復生商鞅不死天下乃可得而治其言雖失於
有激然而一張一弛文武之道意者變通之術誠不
世間未必無王霸之才但不能使之泥途委

可以非其人以任之諸葛孔明王景畧之流不世出

此有識之士之所爲深慨也今天子在位日久圖治
日切方舉羣策以收太平之功士之懷竒見而欲立
功名者寧能不見於設施而有不盡用之歎耶匪朝
伊夕叅政公行大用君之所自見必又有大於今日
者矣於其行禱故道夫人之所望於君者序以爲贈

焉。

送鄭仲宗序

詔徵富民

洪武初蓋徵富民至闕里才而用

上之三年夏詔徵江西諸郡縣民凡稱大家者悉赴

闕之既集闕下則造之於廷而親訓諭之凡天地陰陽

性命仁義古今治亂盛衰紀綱法度賦稅供給風俗

政治得失之故諄諄焉累數千百言又恐其或遺忘

而不能詳也則刻而為書以摹本分賜之乃六月十

梓陵鏡意欲與教化于此

三日庚午上御奉天門翰林臣宋濂臣詹同臣至

一事亦可見當時上下不隔如此

禱及起居注臣陳敬奏事畢賜坐從容問曰卿等知

朕所以訓諭斯民之意乎。臣禕謹對曰。自古帝王皆身兼君師之任。若以治民師以教民。三代而下。爲人主者。知爲治而不知爲教。今陛下主天下爲治之道已備。而又集凡民而訓諭之。耳提面命。不啻嚴師之於子弟。此政古昔帝王教民之意也。又問卿等亦嘗見鄉人有論否乎。臣濂對曰。臣鄉人浦江義門鄭氏實來受訓諭爲臣言。陛下教之之旨甚至。今還且將以所賜書重刻而摹之。使其鄉里之民家有是書。以廣宣。聖意。越數日。仲宗來請別。且求言以爲

贈仲宗卽所謂義門鄭氏者夫仲宗之來旣承 聖
天子之丁寧告戒至詳且悉天下之言宜莫有加之
者矣而顧又求言於禕何耶禕也聞之三代之民人
有士君子之行豈必皆待上之人匡直輔翼而振德
之哉蓋其性質本善而又薰陶漸磨之素至故一鼓
舞間莫不興起於爲善而比屋可封之俗成矣今仲
宗之家十葉聚食藹然有仁義之風庶幾一家之三
代今又昭受聖訓而且圖使鄉里之民同興於仁讓
上下相成如此豈非三代之君民者與夫紀述上德

而推揚之。以風厲乎四方者。史臣之職也。禱故具志其事。書以告仲宗。若仲宗才學之懿。行役之勤。則凡賦詩者。當能稱誦之。茲不復道。

記

錢清江浮橋記

水利

錢清江。古名浦陽江。俗名小江。在山陰東北五十里。江北則蕭山境也。禹貢三江既入。韋昭注三江者。松江。錢塘江。浦陽江也。十道志云。婺州浦江。一名浦陽江。蓋江之導源。實出於此。北流一百二十里入諸暨。

溪又東北流繇峽山直入臨浦灣以達于海。十三州志云江水至會稽與浙江合自臨浦南通浦陽江亦謂繇臨浦而北則達浙江而入海也。而酈道元水經注云浦陽江導源烏傷東逕諸暨東流南屈又東迴北轉逕剡縣又云浦陽江東北逕始寧又云東逕上虞烏傷今義烏浦江乃其故地謂之導源信矣。始寧即上虞剡縣今嵎縣信如其言以爲東迴北轉則是自山陰會稽沂曹娥江繇上虞至嵎縣也。非也。又云餘暨之南餘姚西北浙江與浦陽江同歸海。餘暨即

諸暨距餘姚二百餘里，謂餘姚西北，浙江入海亦非也。又云臨平江上通浦江，下注浙江，臨平在浙江之西，其源殊別，謂浦陽江與之通尤非也。蓋道元之論以謂東南地卑，萬流所湊，故川舊瀆，難以取悉。又未

道元北人故叙江南北諸水皆以東

嘗身履浙江以東，故其誤如此。案地理志，柯水東北逕永興，東與浙江合，謂之浦陽江。永興即蕭山，而山陰北二十里有柯橋，其下為柯水，注于江。然則浦陽江發源浦江，逕諸暨入臨浦，而後合柯水，繇蕭山以達於浙江而為海。古今蓋不易也。其復名錢清者，後

漢劉寵作守。郡中大化。及去山陰。有五六老叟人齋百錢送寵。寵爲人選一大錢受之。尋投諸江。故後人因名江曰錢清。今俗唯稱錢清。而不復道其爲浦陽者。地因人而著也。江自臨浦而東若干里。是爲柯水。所注卽所謂錢清。其地控驛道。而江流至是勢以益大。又潮汐之所經。操舟而渡。動致覆溺。舊有浮橋。蓋比舟爲梁以濟不通。而近歲廢不治。厲深濟盈。涉者告病。至正十七年秋。寧夏吳君以憲臺行軍都鎮撫分鎮蕭山山陰兩縣。覩橋之廢。慨然歎曰。是不亦有

司之缺失歟。亟命裒民戶之義助，斥公帑之羨儲，計其物力，度程而新作之。凡爲舟十有二，上架板皮，相屬以爲梁，其長三百有六十尺，廣十有七尺，聯之以鐵，纒纒如橋之長，而維其兩端於南北隄。使梁常比而梁常屬，與波濤相上下。雖水湍悍而往來者固無虞。人莫不以爲利也。橋成，衆欲書其事於石，以永君惠。而又以文屬之禱。古者辰角見而雨畢，則除道。天根見而水涸，則成梁。橋梁之修，有司之常事耳。今會稽憲臺治所，號稱會府，而錢清當四會之衝。橋以濟

人厥繫斯重乃皆坐視其廢曾弗之顧君方挈兵民
二枋以護臺治威望素著而且以惠利及物爲先務
故茲橋以廢爲成有所不難夫焉可以有司之常事
例論乎是故門關道路廬館舟梁修除以時非直爲
觀美也凡以通國野敬賓旅恤老幼遷有無實三代
爲政之法而周官又謹著之當時覘陳議鄭皆不越
是而近世亦有以驛傳橋道觀人者今君之于橋役
不以諉之有司而汲汲力成之其可謂善爲政矣君
名買里古思字善卿起家進士調紹興錄事司達魯

花赤今擢江東建康道肅政廉訪司經歷仍留鎮山陰蕭山云、

詔誥

擬封諸王詔

封建

朕荷天地百神之靈祖宗之福起自布衣、艱難創業、惟時將帥用命、遂致十有六年、混一四海、功成治定、以應正統、考諸古昔帝王、既有天下、子居嫡長者必正位、儲貳若其衆子、則皆分茅胙土、封以王爵、蓋明長幼之分、固內外之勢者、朕今有子十人、前歲已立

高廟二十餘王先封十五

各王要地以爵輔王室

長子為皇太子，爰以今歲四月初七日封第二子為

秦王，第三子為晉王，第四子為燕王，第五子為吳王，

第六子為楚王，第七子為齊王，第八子為潭王，第九

子為趙王，第十子為魯王，姪孫為靖江王，皆授以冊

寶，設置相傳官屬，凡諸禮典已有定制，於戲眾建藩

輔，所以廣磐石之安，大封土疆，所以眷親支之厚，古

今通誼，朕何敢私，尚賴中外臣隣相與維持，弼成政

化，故茲詔示，咸使聞知。

定嶽鎮海瀆名號詔

嶽瀆名號

詔曰自有元失馭羣雄鼎沸土宇分裂聲教不同朕奮起布衣以安民爲念訓將練兵平定華夷大統以正永惟爲治之道必本於禮考諸祀典知五嶽五鎮

四海四瀆之封起自唐世崇名美號歷代有加在朕

思之則有不然夫嶽鎮海瀆皆高山廣水自天地開

闢以至于今英靈之氣萃而爲神必皆受命於上帝

幽微莫測豈國家封號之所可加瀆禮不經莫此爲

甚至如忠臣烈士雖可加以封號亦惟當時爲宜夫

禮所以明人神正名分不可以僭差今命依古定制

聖祖此詔所以垂越千古

有天此自然之福有人鬼之畔人鬼

之神或可以名號廢之天地自然之即不宜輕有加秩

凡嶽鎮海瀆並去其前代所封名號止以山水本名稱其神郡縣城隍神號一體改正歷代忠臣烈士亦

依當時初封以為實號後世溢美之稱皆與革去其

存堂與已有的儀先師以列號上一意矣至于世

孔子明先王之要道為天下師以濟後世非有功于

廟乃夫意改此二堂實同崇也

一方一時者可比所有封爵宜仍其舊庶幾人神之

際名正言順於禮為當用稱朕以禮祀神之意故茲

詔示咸使聞知

開科舉詔

科舉

詔曰朕聞成周之制取材于貢士故賢者在職而其

民有士君子之行，是以風俗淳美，國易爲治，而教化彰顯也。漢唐及宋，科舉取士，各有定制，然但求詞章之學，而未求六藝之全。至于前元，依古設科，待士甚優，而權要之官，每納奔競之人，辛勤歲月，輒竊仕祿。

以前元爲股際

科舉人才盡於此，詔矣，所望當塗。

所得資品，或居舉人之上，其懷才抱道之賢，耻於並進，其隱山林而不起，風俗之弊一至于此。今朕統一中國，外撫四夷，方與斯民共享升平之治，所慮官非其人，有傷吾民，願得賢能君子而用之。自洪武三年爲始，特設科舉，以起懷才抱道之士，務在經明行修。

博古通今、文質得中、名實相稱、其中選者、朕將親策

于庭、觀其學識、品其高下、而任之以官、果有才學出

衆者、待以顯擢、使中外文臣、皆繇科舉而選、非科舉

宋又十餘年而復行焉

者、毋得與官、敢有游食奔競之徒、坐以重罪、以稱朕

責實求賢之意、於戲、設科取士、期必得於全材、任官

惟賢、庶可成於治道、咨爾有衆、體予至懷、故茲詔示

想宜知悉、

免租稅詔

租稅

蓋聞自古帝王、必資民力、以助成堯功、故國家尤當

以恤民爲先務朕爲億兆主甚欲與吾民同樂於天地間卽位以來于今三年各處郡邑雖嘗免其租糧

尚慮凋敝之餘未能蘇息其應天太平鎮江宣州廣

德滁州和州當創業之初錢糧供億實爲浩繁賴此

此一詔也

數郡以足國用遂致平定四方念其勤勞何時忘之

深宜優卹應天太平已嘗免其稅糧二年鎮江宣州

廣德滁和已免二年此七處今年夏秋稅糧再行蠲

免徽州嚴州金華衢州處州廣信池州饒州廬州以

次歸附供給皆爲煩勞此九處今年夏稅秋糧亦皆

蠲免其河南北平近入版圖重念其民久罹兵革疲困爲甚山東與河南地方相接其民宜加培養庶使河南之民得以相資爲生山東已嘗與免二年河南北平已免一年此三處今年稅糧並行再與蠲免朕以布衣起事民間艱苦無不周知今所優免姑以涓弊之處爲先所在有司其尚謹於奉承以體朕恤民之意

封安南占城二國詔

安南占城

皇帝詔曰朕居中國統天下法古先帝王一視同仁

每欲使四夷俱安近者海外諸國皆來臣服貢獻方

英 秋 相 攻 中 國 之 利 聖 祖 此 詔 真 上 世 人

物占城上言安南出兵連年侵境朕未知實否今為

主所罕及也

爾兩國言之和睦隣境乃保國之善道故善為國者

各守其封疆各安其民人上順天道天必祐之世道

得以久長若各不安分構怨交兵縱其君長身雖無

損而害及生民又何利乎甚而至于天地神人同憤

共怒其患將有不可測者此豈保國之道哉朕為天

下主治亂持危理所當行今遣使諭爾兩國若彼此

果有所爭當即罷兵以和睦隣境為念畏天保民安

疆土以永傳于子孫豈不美歟故茲詔示想宜知悉

招諭擴廓帖木兒詔

招諭

自昔帝王之得天下當大業垂成之際尤必廣示恩

擴廓帖木兒即所謂王孫保也

信雖素相仇敵者亦皆兼收而並用之所以法天地

聖祖以其不屈雅敬之屢典書招徠而不至也

之量而成混一之業也朕自起兵淮右收攬羣雄平

定華夷唯西北邊備未修蓋以擴廓帖木兒猶守孤

在我國為邊患在彼則為守忠聖人

忠保其餘衆居于沙漠以為邊患朕甚念之茲用特

之言能恕已量物如此

與寬宥必能知時達變慨然來歸其所部將士多我

中土之人文武智能朕當一一用之有願還鄉里者

聽其賀宗哲孫翥趙恒等果能贊其來歸其功非小
投機之會間不容髮朕言不再其審圖之故茲詔示
想宜知悉

阿都刺除回回司天少監誥

曆法

天文之學其出于西域者約而能精雖其術不與中

聖祖初立司天監四曆河回其一以其術

國古法同然以其多驗故近代多用之別設官署以

稽也後亦罷不立

掌其職蓋慎之也以爾阿都刺敏而多識回回天文

之說實世守之朕仰觀天象敬授民時乃循近制仍

設其職而命爾復居厥官爾尚勤於推測謹於敷陳

恪守攸司以稱予意

議

泉貨議

泉貨

天下之物。以至無用。而權至有用者。泉貨是也。謂之泉者。言其形。謂之貨者。言其用。其制先有銅錢。後有楮幣。銅錢之制。自五帝三王。下更歷代。莫之有改。其爲法最古。而楮幣之制。所謂關會交鈔者。又所以權錢而行金。宋之末造也。之二物者。握之非有補于暖也。食之非有補於仙也。而先王以守財物。以御人事。

而平天下。命之曰衡。於國家者。恒賴以爲生民之大命。而不能以一日廢。一日或廢。則國家之命。幾乎息矣。故曰。以至無用而權至有用者。泉貨是也。國朝因時制宜。襲近代之法。一切用鈔。而錢盡廢不用。自中

此文亦元時作

統至元鈔之行。且一百年。中更至大。雖嘗改法。然旋

亦即復舊。乃自頃歲。以中統交鈔重。其貫陌。與至元

元起沙漢本。是除類。故宜用鈔。不宜

寶鈔相等並行。京師復鑄至正新錢。使配異代舊錢

用錢。用錢。錢則國多。故聖祖初起。亦制鈔法。後卒不行。

與二鈔兼用。其意殆將合古而達今。而不知適以起

益亦氣。數使然也。

天下人心之疑。夫中統本輕。至元本重。二鈔並行。即

民○必○取○重○而○棄○輕○鈔○乃○虛○文○錢○乃○實○器○錢○鈔○兼○用○則○民○必○舍○虛○而○取○實○故○自○變○法○以○來○民○間○或○爭○用○中○統○或○純○用○至○元○好○惡○不○常○以○及○近○時○又○皆○絕○不○用○二○鈔○而○惟○錢○之○是○用○而○又○京○師○鼓○鑄○鑄○尋○廢○所○鑄○錢○流○布○不○甚○廣○於○是○民○間○所○用○者○悉○異○代○之○舊○錢○矣○嗟○乎○二○鈔○

可○見○錢○便○鈔○不○便○矣○

者○國○家○之○所○用○而○民○則○以○為○棄○物○而○弗○之○用○舊○錢○者○國○家○未○嘗○專○以○為○用○而○民○爭○相○寶○愛○而○用○之○是○天○下○之○民○反○操○國○家○之○柄○而○國○家○之○命○已○下○制○於○民○泉○貨○之○弊○莫○此○時○為○甚○矣○詔○旨○屢○飭○禁○令○愈○嚴○民○頑○然○相○

視而弗之恤而上之人亦坐視其法之弊舉無策以
拯之民情所至如水就下勢之趨嚮不可復遏是故
善爲天下者因民之所利而利之民以爲利上之人

上言行在也

何故而不爲今外宰相得承制行事亦既審察民情
即江淞省府治鼓鑄索月之間國用頗賴以資給則
其爲效固有不可誣者然其所鑄兩當十大錢止用
于杭城而不足以行遠間有流布諸路者抑亦易視
之弗信泉貨之弊自若也愚竊以爲今日鈔法宜姑
置弗問而錢法當在所速講錢法之議有二。一曰廣

開宋鑄大錢以推一時之志可耳又之末

開鼓鑄二曰罷鑄大錢考之史傳漢郡國皆得開鑄

有地行者

而縣官往往即多銅山而鑄錢唐亦即出銅所在置

鑄天下鑪九十有九宋鑄錢總二十六監而諸路所

鑄其數多寡各有差其法皆為不可廢賈誼所謂事

有召禍而法有起姦今令細民人操造幣之勢者此

謂不可使民私鑄耳非謂官不當廣鑄也夫錢便於

貿易而銅不便于轉輸轉輸不便故即其所出而鼓

鑄貿易相便故隨其所在而流布此勢之必然而國

朝至大中亦置江淮等六監此可見鼓鑄之開當廣

矣。自周景王、楚莊王欲鑄大錢，其臣卽以爲非。漢之赤仄以一當五，王莽之大錢五十，蜀之直百，後周之當千，唐之乾元，後唐之永通，宋之熙寧，皆爲當十大都。一時苟且之爲，張商英言當十錢自唐以來爲害甚明。蓋大錢質輕而利重，利重故盜鑄者多，質輕故寶愛者少，小錢費厚而利均，費厚故盜鑄者少，利均故貿易者平。此亦勢之必然。故歷代大錢皆旋踵而廢，而至大大錢，今亦存者無幾。此可見大錢之鑄當罷矣。由是言之，鼓鑄不可不開，而監局之置不可不

廣大錢不可不罷。而小錢之鑄不可不多。爲今之計。無踰此者。且今江湘地大物衆。省府鼓鑄。固必仍舊。其浙東西江東閩中諸路。宜各斟酌所在。分置監局。或一州二州。卽爲一鑪。而凡所鑄錢。必以漢五銖。唐開元。金大定。宋大觀。及今至正小錢爲則。其大錢更不復鑄。夫鼓鑄廣則造錢多。而人易致。小錢多則稱物均。而人知貴。易致則其用不匱。知貴則其行可久。推而放之。其法將偏諸天下而準。固不特江湘一省而已。至于權銅有禁。尤當加嚴。宜如唐制。佛像以斜

錫土木爲之唯鑑磬釘環鈕得用銅餘皆禁絕又民

故事

間所有銅皆得入官。官爲鼓鑄除工本之費更取其
三而以七歸于民。而又鼓鑄之餘關防嚴密製作精
緻定其輕重而有度。平其出納而有常。如是則今日
之錢可流地上。異代之錢將不銷自廢。夫伸國家之
命以復古之道。因民之利以遂民之生。計宜無踰此
者。上之人胡爲而不亟行也。抑嘗因是復有其說。古
者三幣。珠玉爲上。黃金爲中。白金爲下。後世或爲二
幣。秦制黃金以鎰爲名。及銅錢是也。今誠使官民公

私並得鑄黃金白金為錢因其質之高下輕重而定

當今黃金白銀為通幣則亦不煩範之為錢矣

價之貴賤多寡使與銅錢母子相權而行當亦無不

可者且今公私貿易若于銅錢重不可致遠率皆挾

當時欲以銅錢惟白金今時則

用二金籍使有司不明立之制而使之用公私之間

以白金和銅錢

有不以之為用者乎是則用黃金白金為錢與銅錢

並行亦所謂因其所利而利之者也或者顧謂廢錢

廢鈔用錢此元運將衰之徵

而用鈔實祖宗之成憲而于術數之說為有符今唯

用錢無乃稽之典章驅之圖識有相乖違者乎是不

然天下之法雖聖人不能使之久而無弊及其弊也

固未嘗無法以揀之。論而通之。存乎人焉耳。而可泥于拘攣之見。偏於尋常之論哉。記曰一弛一張。文武之道。夫弛而不張。張而不弛。要皆非先王之所以爲天下者。弛之張之。與時宜之。斯爲善矣。嗟乎。當今時事之急。可言者衆矣。然孰有急于泉貨者。故述斯議。庶上之人得採擇焉。

疏

祈天永命疏

祈天永命

忠文公在本朝惟此一疏。其于宋永故存之。

臣聞自古帝王定天下成大業。必祈天永命。以爲萬

世無疆之計，所以祈之者，人君修德而已。君德既修，則天眷自有不能已者。書曰：皇天無親，惟德是輔。此之謂也。修德之要有二：忠厚以存心，寬大以爲政。二者君德之大端也。是故周家以忠厚開國，故能垂八百年之基；漢室以寬大爲政，故能成四百載之業。簡策所載，不可誣也。欽惟陛下，負不世出之資，奮大有爲之志，艱難十年，大業已成。周之文武，漢之高光，蓋無讓焉。臣竊聞之，人君莫先于法天道，莫急于順人心。夫上天以生物爲心，故春夏以長養之，秋冬以收

聖訓政令嚴明故此以充博達

藏之皆所以生物也。其雷霆霜雪有時而搏擊焉。有時而肅殺焉。然皆暫而不常。向使雷霆霜雪無時而不有焉。則上天生物之心息矣。人君體上天生物之心。故一動一靜之間。務合乎天。不然。則天必示之變異以警戒之。人君誠能修德。則豈不足以當天意而承天眷哉。此臣所以願陛下之法天道也。夫民恃君以爲生。故人君視民之休戚。必若己之休戚。以君民同一體耳。古者藏富於民。言取之有節。則民生遂而得其所。陛下近發德音。減茶課。免軍需。蠲邊郡之租。

稅民心咸悅，得以遂其有生之樂。然浙西旣平，租稅旣廣，科歛之當減，猶有可議者。此臣所以願陛下之順人心也。法天道，順人心，則存于心者，自然忠厚。施于政者，自然廣大。祈天永命之道，未有越此者。今建國之始，方將立法垂憲，以定一代之典，制度禮文之事，可議者固多，未敢悉數。謹舉帝王爲治之大要，以聞。無謂老生之常談，而不加覽焉。

皇明經世文編卷之